

吳文節公遺集

第三冊

蘇子瞻

PDG

吳文節公遺集卷三十九

男養原謹編

公牘

批德化縣詳瑞昌縣潘李氏因病自盡由

查萬明等承稟查傳王全文呈控潘明旺等誘賭一案
輒以潘文斌係潘明旺等族長令其幫同尋交實屬藉
端滋擾潘高美所稱潘明旺等不過被人控賭並非命
盜重情不該責成家族尋交可謂確中弊竇萬明等尚
不俯首伏罪復以一併稟官稟飭之言轉向嚇唬逼迫
情形業已顯露而謂潘李氏之死係屬因病自縊何以
不先不後適相巧值若此恐潘明萬所控萬明等逼勒

致斃之處不為無因。若潘李氏委係因病輕生。潘文斌因挾萬明等欲行稟官之嫌。主令潘明萬捏情誣告潘高美峻。使將萬明等誣回縛送至府。刁狡已極。二者孰實孰虛。均應切實根究。按律嚴辦。不能稍事寬縱。使死者含冤。刁風增長。乃瑞昌縣王令於此等無據賭案。一粟而出。四差致釀事端。已屬大謬。該縣濟令並不據實究辦。襲用因病自盡具結呈悔舊套。任意開脫。復以枷杖略示辦案。認真朦抵。本部院駁詰更屬荒謬。仰按察司分別嚴行申飭。一面即飭九江府親提全案人證。隔別研訊。確情實擬。虛生毋稍迴護。飾延致干併咎。切切。

批樂安縣邱寧八呈控爭山由

此案前據邱享八具呈經前部院批飭錄詳旋據該縣以屢傳邱享八抗不到案錄案詳銷批司核議轉詳在案本部院察核縣詳兩造互爭之茶子山總名蛇形山業經該縣勘量核與詹姓承丈及鱗冊所載字號弓數均屬相符其謂並非官荒尚屬可信惟據訊該山歷係邱姓祖蓄當有舊批字據可憑儻因年久無存亦應確切聲敘何以該縣並未訊及復令寫立蓄字給詹宇春等收執致滋藉口查核該民人現控呈詞極為刁健應再提集訊明如果邱姓不願租種此山即令出具退佃甘結斷令詹姓另行召佃以杜訟端如邱姓敢於把持稽久踞佃虎欺生滋事即另治以應得之罪仰按察司

即飭該縣遵照審斷詳覆抄粘並發抱告邱吉星押發
南昌縣轉解樂安縣押交邱享八到案訊辦

札臬司飭查貴溪縣匿報搶案由

本年閏七月十二日據署廣信營叅將崔開泰稟稱船
戶陳永貴被搶衣物錢文獲犯江添俚等情到本部院
據此查該縣河道出此搶劫重案延今一月該縣何以
尚在夢中並無隻字稟報合行札飭為此札仰該司文
即轉飭該縣速即提犯江添俚審取確供同勘訊緣由
刻日通報一面嚴拏在逃餘犯限十日內務獲稟報究
辦儻再玩縱定即嚴叅不貸切切仍飭將因何隱匿不
報緣由明白稟覆此札

批責溪縣稟江添俚等夥搶由

查江添俚等於黑夜夥眾入船搶取陳永貴衣物錢文情同盜劫該縣既經事主具報又據拏獲江添俚訊供屬實起獲原贓自應照例收禁乃延擱一月有餘僅將該犯管押其意何居迨經本部院嚴札飭查復以訊因挾嫌而起並非無故搶奪亦無客貨被搶情事其江添俚恃無質證狡供避就必須關拘羅招財等到案方可質實是以未經稟報等詞混行掩飾豈衅起挾嫌江添俚即無應擬之罪乎豈羅招財終久無獲江添俚亦終久不辦乎該縣才本平庸遇事再如此舞文支飾恐咎積難挽矣仰按察司姑先嚴飭并飭提犯研訊確情錄

供同勘訊緣由先行通報一面勒緝逸犯羅招財等務獲究報此繳

札臬司飭查東鄉縣詳報揭魏氏因病自盡屍女誤報叢毆屍夫查明具悔一案由

本年九月十七日據東鄉縣詳報揭魏氏因病服毒自盡屍女喻揭氏誤報叢毆並屍夫揭傳香查明具悔一案到院據此查此案揭魏氏僅因冒暑患病渴燥並非實在病磨難受者比論情不致就此輕生况察核來詳喻揭氏於初五日回家親見其母患病親聞其母向述初二日有與喻萬氏口角之事則伊母之並未被告已了然胸中又延醫看脉不肯下藥則病重可知乃輒混以

毆斃等詞投保報驗且憑空添一並未在場之喻金山指為叢毆絕無急情明係誣報不知該代理縣從何處看出竟以情急懷疑等非理謬詞硬行插入為之強解此真別有肺腸者况喻揭氏供內稱七月二十八日往餘干於閏七月初五日趕回家中初七日午後其母方死而該代理縣看內稱喻揭氏往餘干看親不知伊母先已在家服毒然則揭魏氏之服毒係在初五日以前既有喻天保見證究竟何日看見亦當訊明毒藥性暴何以遲至三數日後始行發作斃命該代理縣均未一一確訊詳敘率以此等供看不符之詳草草結報是誠何心至此案該縣於閏七月初八日據報稱於次早前

往相驗屍夫揭傳香供稱初七日接伊女信知妻病初九日趕來伊妻已死等語是該縣相驗之日揭傳香業已到彼其同在屍場可知何以詳內又稱屍夫揭傳香未到致稽詳報更屬自相矛盾案情閃爍支離絕無一處切實止以因病自盡誤報呈悔等相沿陋習生吞活剝該代理縣如此讞獄豈復能膺民社除詳另行批示外合行札飭為此札仰該司即日飛飭該代理縣再行提集悉心研審務得揭魏氏實在因何自盡確情據實錄供限五日內另行通詳察奪如再藉因病陋套稍有顛預飾延即飛速會同藩司將該員撤任叅辦毋致貽誤地方此札

札臬司查究南城縣詳陳夏氏因病自盡一案由
本月十五日據南城縣通詳縣民陳寶明之妻陳夏氏
因病服毒身死一案驗訊緣由到本院據此查江西各
屬詳報自盡之案每年不下百數十起無論因何自盡
大率皆以因病輕生為詞朦混詳報千篇一律曾經本
部院嚴札通飭各屬嗣後如有自盡案件務究確切根
由據實詳辦儻實有因病自盡之案即押帶人證來省
聽候提審嗣因該縣呈送十月分報驗命案清摺內開
十月初八日據陳寶明具報伊妻夏氏因病自縊身死
等情又經札飭確訊並飭司先將該令記過在案今來
詳仍稱陳夏氏之自盡由於因病如果屬實何以不遵

照通飭親帶人發來省聽候提審已屬有心抗違且核
現詳據訊屍夫陳寶明供稱十月初五日伊妻舊病復
發半夜時分村鄰鄧守仁家被竊捕賊那時伊未在家
伊妻起來查看受些風寒次日氣痛痰壅一齊舉發乘
伊外出私服毒蟲餘藥身死伊聞信趕回等語是陳夏
氏之受寒增病因病服毒均在陳寶明外出之際自非
目擊可知其所供伊妻因病輕生之語畢竟誰見之而
誰知之似此恍惚供情該縣豈真深信不疑耶尤可駭
者該縣前送十月分命案之摺係十一月二十九日發
申此案係十月初七日報驗距該縣申送前摺之日已
及兩月該縣既親詣驗明陳夏氏係服毒身死何以前

送摺內又稱自縊豈該縣親驗親審之案延至兩月是
毒是縊尚不自知耶不解該縣昏憤糊塗何以一至於
此合亟札飭札到該司即飭該令親身押帶此案應訊
人證來省聽候審明核辦一面會同藩司查明揭請撤
叅以為辦事昏惰不遵通飭者戒速速毋違特札

批袁州府稟覆境內並無匪徒聚眾飲錢等事由
本院前因風聞分宜地方有匪徒聚眾飲錢等事是以
飭令查察今據查覆並無此等匪徒但本院前次並非
聞有十月初十賽神飲酒之事因而飭查不得以查出
此一案遂確信為傳言之訛仰按察司即飭該府仍當
督屬隨時察查有犯必懲勿稍大意蓋此等糾眾聚會

之事其始原未必即係為匪而鄉愚易惑若不化誨解散必致釀成事端是在地方官開誠布公不時化導杜其漸以防其微耳至草場墟廟宇供奉既係真君何不即顏曰真君廟而乃曰天符此等廟名亦殊不妥并飭即捐廉將廟額易之此繳稟單抄發

批新建縣等詳船戶盜賣引鹽由

此案前據該縣等通詳訊據滕用明供認獨自盜賣引鹽四百二十包又蔡興富供與張邦龍押載分裝引鹽二千五百包張邦龍盜賣三百九十八包存鹽九十一包分給蔡興富變賣餘被漁戶撈散及落水漂失消化等情當經本部院以滕用明原裝引鹽一萬五千九百

九十包據商稟收僅八千五百五十包所短甚鉅據訊
滕用明與在逃之張邦瀧各止盜賣四百餘包及三百
餘包餘皆謗調著水消化及漁戶撈散顯有不實不盡
批司會道轉飭確究詳辦在案茲據詳續獲張邦瀧到
案訊止聽從滕用明盜賣三百二十九包並無分裝另
賣情事滕用明亦稱到案心慌恐問重罪推卸搜供查
該犯張邦瀧分裝鹽二千五百包與蔡興富押載並非
滕用明一人供出尚有陳潮益等眾供僉同其盜賣情
形亦據一同押載之蔡興富吐露其非滕用明推卸可
知現訊各供顯係串飾避就該縣等並不遵批向各犯
確究盜賣實數核實懲辦轉將前訊各自盜賣之鹽改

為商同盜賣分作首從辦理任意捏飾故滋輕縱惡習如膏肓之病可恨已極仰該法道即親提犯證嚴督該縣等悉心研訊據實另詳僅該縣等再敢意存延縱即嚴揭叅辦仍候督部堂批示繳

批代理崇仁縣詳陳王氏因病自盡由

查陳鳳雲原報伊妻王氏與族兄陳二之妻洪氏口角被陳二毀謗毆逼自縊身死該縣沈令既經前詣驗明並不當場集訊究報遲至一月有餘調簾卸事該代理縣又不查照報詞切實根究輒用因病輕生舊套含糊具詳均為可恨至陳王氏於七月初六日與陳洪氏口角經勸而止初七日早陳鳳雲親見陳王氏起身梳洗

其為無病可知陳鳳雲當同伊子出外縫衣隨後回家
已見陳王氏在房自縊解救無及所緝氣病復發疼痛
難受畢竟孰見之而孰告之耶可見全屬一派虛言隨
意混寫實屬玩視民瘼該代理縣劉佐係佐雜微員不
知向上亦不足深責此後永不准代理縣事沈令故違
定章延不出詳先記大過一次仰按察司移會藩司分
別註冊一面飭再傳集人證研審陳王氏與陳洪氏因
何口角並陳王氏實在因何自縊身死陳二曾否毀謗
毆逼務得確情另行通詳核辦儻敢迴護率延定干重
咎仍候督部堂批示繳

批藩司詳銷崇義縣民人郭元肇妄控廩生郭芬

冒宗捏報五世同堂一案由

查此案本不難訖斷縱使郭芬實係曾經出繼其子與孫皆其所出也此時亦不能忍令本房絕嗣亦必應歸宗且祖父年逾八十親見五代尤應亟成盛事況其本未出繼耶以此判斷何兩造各執一詞之有更何復調譖為該縣庸冗無能已屬可恨該府復以情同自首等活套為郭元肇開脫長刁訛而擾良善殊屬欠協不得已為郭芬全一族之誼姑免予杖責飭令該府當堂將郭元肇戒飭手板四十以示薄懲仍飭該縣將郭思樞五世同堂之案限五日內詳辦毋再抑悞干咎仰即轉飭遵照此繳